

文昌大洞經筵

平座讚 梵音唱

稽首虛皇天尊前 請誦洞經

凡欲誦經先淨三業

淨身業神呪 淨水洒頂盥手左
手玉訣右手劍訣

身中之內境三萬六千神動作履行藏前劫
并後劫願身常清淨常住三寶中當於劫壞
時願身常不滅急急如律令

淨心業神呪 傳手煙無香煙
一口左手離訣

大道降真炁吐納煉五神願使攝諸魔心業
常清淨斷除萬種障驅蕩一切殃降伏諸有
情動念歸正道急急如律令

淨口業神呪 仍各飲水一
口左手坡訣

口為太和宮吐納降真炁時時誦寶經日日
餐法味勿發諸惡言莫起邪淫意願滅罪苦
根當論正真義急急如律令

淨天地神呪 以水洒經筵內
外左右四正使

太一之精東井之華流灌一體蕩穢除邪淨
如明珠潔如蓮華化金光身步雲錦霞登七
寶殿為真仙家急急如律令

安土地神呪 左手
安訣

元始安鎮普告萬靈靈藏真官土地祇靈左
社右稷不得妄驚回向正道內外澄清各安
方位備守帝庭太上有命搜捕邪精護法神
王保衛誦經皈依大道元亨利貞急急如律
令

開經玄蘊呪

玄元始炁分 玄元始三
炁初分 清華開洞神 清華開洞神
神
靈風回太和 神風動
太和之氣 玉音攝流精 神攝流精
玉音攝精
至哉本自然 至哉之通非
勉強為之 誰識此幽文 誰識幽文
幽隱之文
堅剛明一悟 人所難達不
達中三乘 倏忽超三乘 倏忽超三乘
超劫不昧
寂寂无色根 寂寂无色
不居空色 永劫真深沈 永劫真深沈
永能深沈
胡能精修持 胡能精修持
以氣修持 究竟登玉清 究竟登玉清
究竟登玉清

玉清無極總真文昌大洞仙經卷之二

玉清無極總真文昌大洞仙經卷之三 查

東蜀蓬萊山中陽子衛琪註

道言昔在龍漢劫初元始天王出大洞玉經
於高上大有玉清宮

道言乃玉宸道君言說昔在者向來往古

之稱龍漢者自一炁孕於空洞之中太无
之始上无復色下無復淵混沌太虚浩瀚

流溟七千餘劫其炁周流相去九萬九千

九百九十里為一歲言其炁如龍變化莫

測故號龍漢運推數極三景開明謂之赤

明梵炁彌羅萬範開張元網流演生天立

地開化神明謂之開皇三劫分曉按大有

金書天寶君生於龍漢元年當年出書靈

寶君生於龍漢開圖經一劫至赤明元年

出書神寶君生於赤明元年經二劫至上

皇元年出書此三寶方有定名而神王奏

請云數終甲申洪流蕩穢赤明以來至上

皇元年受度者二十四萬人開皇以後數

至甲申諸天選叙仙曹空廢當於三代取

十萬人充其任又舉一十二萬人充儲官

又於死苑中有善功者取三十二萬人以充甲申脛除之後開大有之民儒書云堯以甲辰即位至甲申已四十年然後有洪水之患以此言之生神經當出於唐堯以前而大洞經先出於龍漢元年始當生出書之時也故號龍漢劫初而候上皇元年太上出書時三寶各有定位一再傳授靈寶就席付與太玄故下經叙云重出斯寶是也真武經載龍漢元年說法舉往昔開皇元年之事然以開皇居前龍漢當後此乃諸真傳經之誤當從大有金書恭透三寶所生之劫并出書度人之時其他未可盡信又曰天地之始有五劫一曰始劫二曰成劫三曰住劫四曰壞劫五曰空劫五劫循環不已天地皆因此五劫而成始終人與物亦然東方曰龍漢南方曰赤明西方曰延康北方曰開皇中央曰上皇自子一起三字為一劫至戊亥為延康以日言之為夜以人言之為死也六合之外姑且存而勿論且自天地分判以來於六經

中可考者言之易有太極是生兩儀兩儀生四象四象生八卦兩儀者天地也四象者四時也陰靜陽動故變馬動靜者常剛柔斷矣四時代謝故化焉變化不已故有劫數河圖洛書是也二炁升降五行錯綜皆莫逃乎數也大則劫小則運皆因年月日時至微而起時有刻日有候月有弦望晦朔年有春夏秋冬故積刻以成時積時以成日積日以成月積月以成年積年以成運積運以成劫自太極既判之後又不知其幾劫運矣粵自龍漢元年化生天寶君出書時號高上大有玉清宮此乃元始天王之都大洞尊神演說大洞仙經之始也故為諸經之祖諸法之王諸經皆稱元始天尊而大洞經獨稱元始天王蓋尊之至也有元始上帝元始天帝隨所見而稱焉非實有名乃衆真強名之耳經云大道無名因生育天地萬物故有名演太玄重玄玄一之道命之曰大洞仙經玄者黑而有赤色蓋北方陽動而生水陽

炁赤水色黑妙曰太玄重玄玄一蓋水炁之盛故為天地之根又玄為幽深曠遠之稱諸經有玄之又玄者因此而云也太玄者先有玄炁元炁然後有始炁次第生長故當數演太玄之炁重玄為玄一之道號曰大洞仙經藏中有三清大洞經一百二十卷有茅山龍虎山玉經三十九章元始天王始以太玄一音流響玉清蓋一者萬化之本萬善之宗無一事不由心上起也老子之得一孔子之一貫邵子曰天向一中分造化宣得是哉天道一而已矣太玄者北方之正炁兩儀真位以炁為子一音者天一生水而水為羽音言天地始生自一數起於北方一陽初動而生水亦猶人之生以一陽之精結而為胞也陽動則變故曰流響非以金口宣傳乃靈風振響遂成洞章

弘帝一真道說大洞寶文

主宰謂之帝人心是也凡為國家有九經所以行之者一也一乃誠也無妄謂之真

實故曰私帝一真道故知大洞經即儒中
 庸也帝一乃大洞帝尊之號有帝一雄一
 雌一謂之三之一之道乃大洞之始也弘發
 也大也大發揚此道說大洞實文欲令世
 人得一則萬事畢若能主一無適此道成
 矣亦曰不二法門此則名文昌大洞仙經
 外有大洞骨髓大洞漢義大洞玄契按諸
 經註解非敢專擅

示九統之法傳九光之符

玄元始三炁各生九炁是為神霄九帝也
 故示九統之法以會帝傳九光之符以集
 神大洞之道始於一炁而生三炁三炁而
 生九炁九炁而生萬炁結成萬天止云九
 炁不言萬炁舉其綱也人之萬炁具足遂
 生萬神天地以有萬炁而立人身以有萬
 炁而生若神離炁散則人道幾乎息矣此
 帝一之道於斯為盛用九示九已於洛書
 數陳九天生四九三十六天九地生四九
 三十六地各具各注下
 至士誦之登齋修行即得萬神權慶萬靈護

持萬聖感格萬仙俞臨

齋者齊也言潔齊心地靜定安慮毋使雜
 亂古人三日齋七日戒又曰齋戒沐浴可
 以祀上帝蓋齋者畏心戒者防患但得類
 子坐忘之心齋便是大洞經了此言至士
 修習大洞仙經當清齋入室除垢止念靜
 心守一內則萬神歡喜慶悅外則百靈護
 持上則萬聖感格下則萬仙俞臨生神章
 云一唱萬真和九遍諸天朝之類是也經
 曰人能常清靜天地悉皆歸天地鬼神未
 嘗助桀為虐也

可以飛度三災四殺五鬼六害七傷八難九
 厄十惡

斗經具載甚詳茲不重贅為人在世有諸
 魔難若不精專至道何以脫離煩惱宗門
 有語云磨刀石手損己利他克己奉人也
 登仙入聖神生紫微自然無為
 易無思也無為也正合大洞自然之道一
 本云登仙入聖候矣自己元神與諸天帝
 比有享受天堂快樂自在豈有所為乎皆

自然之理也昔唐楊泰明以偽登顯仕為
 長安令佐郭子儀幕府後棄官入廬山結
 茅一日採訪真君下降曰太素三元君命
 我授汝九天太真道經觀之乃高上大洞
 經泰明修誦不輟至憲宗元和八年正月
 一日輕舉升仙豈非經中登仙入聖乎
 不係陰陽五行六炁之所拘束

六炁者寒暑風雨晦明是也天有六炁降
 生五味發為五色微為五聲淫生六疾按
 醫書陰陽五行五運六炁錯紐於天地之

間順則致祥逆則見凶祥則聖人出天垂
 甘露地產靈芝五穀豐登人民安泰凶則
 天地閉賢人隱天變災異山崩海竭人民
 死亡此皆為五六之所拘束也修行人當
 脫五行之殼離八卦之機八卦屬地專至
 道者除地遁法天道故陰陽不能拘束也
 念念增長趣入大乘弘之無窮諸天下觀玉
 帝降鑒飛天保迎
 即這念頭便是金丹務欲乾乾不息綿綿
 若存若人一念不移念念相續速旋增長

進悟大乘以至上乘弘揚此道則諸天帝
王下觀其身上帝降鑿飛天魔王保舉爾
身皆高靈舉誦大洞經一日抹訪下觀相
與語善後雲舉成仙豈非諸天下觀乎
億曾萬祖歷劫種親遊奕滯鬼俱得更生

己身未度先度祖先況千萬劫前祖宗無
數遊蕩英爽沈滯鬼鬼咸得上生晉代許
旌陽吳葛仙翁皆以祭煉孤爽鬼神而沖
舉成仙蓋孤爽亦是千生萬劫曾祖父母
世曾接仙長為貴人

世代子孫華胄與仙相續在世長久得為
貴人如張子房之類天師繼嗣綿亘無窮
功滿道備骨肉同昇

功圓行滿道德充備一家骨肉同時飛昇
如許旌陽四十二口骨肉白日拔宅之類

乘龍駕雲上朝玉清

化自己之陰陽二炁為龍為雲乘駕以騰
空上朝玉清聖境元始上帝為三清侍臣
元始天王嘯詠太玄煥神遐想而說洞章
元始吟詠太玄之炁而成音聲聚神炁深

思遠想使神炁精詳而後說是大洞寶章
謂如慮而后能得者也說洞章者非謂口
誦也乃凝集神炁炳顯於空洞之中成音
高上洞元

此章名大洞帝一尊神高上虛皇君總冠
一經之首章中之字有數斷章取義故略
而言之元始生於太無無始之前五太未
露朕兆之初一炁化生於空洞之中無形
無名無炁無象無色無光周子所謂無極
一動一靜一陰一陽陽變陰合遂生五行
即太易太初太始太素太極今日大洞即
易之太極也高上者高高在上不可名言
即無極也混沌太無元者即元始之祖炁
生於混沌未分空洞之中太無之始元者
始也故號元始或云混沌亦通今本無元
字當添置之蓋元始謂之高上混洞太無
元靈寶謂之赤混太無元老君謂之冥寂
玄通元總謂之三元非天地水三元乃生
天立地之祖炁也天寶者元始號天寶丈
人天寶君王皇者非常所謂玉帝玉以比

德以其性溫潤而動硬皇者大也元始以
其本身至大至剛之炁成立天地開物成
務孟子所謂浩然之炁充塞天地是也
元生九天

元者善之長也蓋元為萬化之祖宗今言
元者三元也言三炁生九炁即生神九天
也天地萬化自非三元所有九炁所導莫
能生也故三炁為天地之尊九炁為萬物
之根人能修之是與三炁合德九炁齊昇
也自此已往生生不窮之道著矣故易曰

天地之大德曰生他本云高上洞玄必悞
炁祖太元

玄元始三炁生於太無之前合虛而生炁
炁生於空空生於始始生於元元生於玄
故曰炁祖太無此大道所出自無中生有
象風胤玄

一云宗風非也風炁也象者非一也混沌
太無元之炁九萬九千九百九十億萬炁
赤混太無元之炁九萬九千九百九十九
萬炁冥寂玄通元之炁九萬九千九百九

十萬炁蓋萬炁根於九炁九炁始於三炁
三炁歸乎一炁故曰衆風胤玄胤者嗣也
繼也續也根胤出自玄炁是名回風混合
會親絕散

一云統散候也既有所統是有拘係豈得
散耶人修本洞則三會九祖五族六親各
逐生化而無胎根結滯之病以阻隔之

四清撫闕

四清四炁朗清也蓋天地既判四方廓爾
喻人祖宗滯識皆得生化則無所狹連故

四方備守安處無為即得生天快樂自在
帝一上景連衆攝煙

大洞帝尊名帝一也上乘玄景之龍與招
神攝風以度苦爽亦如靈風聚煙之說
長契一運七世投闕

長遠契合嘉良運會傳靈運良辰會同義
七世祖稱皆得投闕致散良會皆得度世
託靈屬命反華自然

一點靈光皆有投託本命元辰亦有所屬
還送光華無虧無欠不有勞費故曰自然

派逸流輝六曜沈遷

派逸速大貌流輝者精彩流布靈光備體
六曜南斗注生之司六府凝定無有變遷
凌梵御輝西華彰安

白帝君諱彭安字西華人之肺腑安和也
併編帝簡盡得解源
西華玉靈瑤府編修青簡玉籍以奏玉帝
若修煉則惡根地根魔藉鬼帳盡得解去

胎田運路世發玉蘭
上田泥丸中田絳宮下田炁海胎息之所
道路深遠黃庭之廻紫抱黃入丹田世世
生生發育玉潤芝蘭生神章云耀玉葩同
意言人能存養下田則精華遍體如玉階
之芝蘭也蘭者取其清香故黃庭云體生

光華香炁如蘭此下有立蘭素蘭同義
靈光八輝混生萬神
自己一點靈光洞照八室所謂八憲玲瓏
人之欲生萬炁不備萬神不具終不生也
右件玉章天篆合八十八字總冠三十六

元始天王曰文昌大洞玉章第一
一月生胎金丹一運丁丑戌寅 降隨
始炁生混炁其色蒼為東方九陽木炁凝
成天境號鬱單无量天劫號龍漢此天精
寬開陽之炁主泥丸宮帝真胞命元一黃
演之炁生胞元

高上宴紫清

文昌經古以此章為首驗之玄契弁經之
數目字相合今從之上清大洞一本以東
華發胎輝為首且中卷十章諸本皆將前
後互相換易今以六根順列為叙上卷體
生神章且受胞胎神炁為叙庶幾覽者有
所倫次然寶章不特為受生者說蓋修行
人內鍊金丹亦必因此月分次第行之如
婦人懷孕牝雞抱卵專心愛護念念不忘
自初啓首以至十月聖胎完成突然而見
陽神兩途而一轍也人生胞元易曰男女

章之首三十六天地神明並備此章
玄契曰兆脩大洞太玄帝一綱章誦之一
遍消一切罪身神六根皆獲洞清六天自
降群魔東首萬炁齊正得無礙門

元始天王曰文昌大洞玉章第一
一月生胎金丹一運丁丑戌寅 降隨
始炁生混炁其色蒼為東方九陽木炁凝
成天境號鬱單无量天劫號龍漢此天精
寬開陽之炁主泥丸宮帝真胞命元一黃
演之炁生胞元

媁精萬物化生父精母血憑虛交感此乃太玄之炁生於太无是也天一生水以爲其根先有西北壬水一生與西南之丁火相合謂之水火既濟陰陽相感會於元宮懸附於脾脾屬土故萬物得土自然化生因之結胞所以水土同胞於己已爲六陽純全之地爲乾屬巽此乃回風混合之所男左旋十月至寅爲三陽交泰故生男女右轉十月至申爲三陰全得否故生女故經曰高上寔紫清者高上太有玉清官乃元始所居在紫清天元始遊冥其上幹運始炁以生人之泥丸宮次第生長人之初生先有鼻故後生耳古人云鼻祖耳孫此生人之始末也鼻貫於額故先得始炁生泥丸次玄元二炁生中下部人之生也陰陽二炁五行而已得炁之清明者爲聖賢得炁之重濁者爲民庶得炁之駁雜者爲萬物故下云五老輔玉根者言各炁之分數也如東方九炁之類輔玉根與五臟植玉根同有揮絳華飛玉駢等皆以五方降

具炁然後成人之神炁形體

五老輔玉根

所謂四玄稟元氣長保五帝城是五臟爲一身之根五神守之故輔玉根五子歸根壬子木至庚申九數是爲東方九炁戊子火至庚寅三數爲南方三炁甲子金至庚午七數爲西方七炁丙子水至庚辰五數爲北方五炁庚子土居中央是爲一炁東方青靈始老九炁天君南方丹靈真老三炁天君西方皓靈皇老七炁天君北方五靈玄老五炁天君中央元靈元老一炁天君輔玉根言五臟之炁歸根復命也精神寬寬意乃心肝脾肺腎爲根

太素拂渺景

太素即三素母其神拂過遠景也渺小也盡也見三華炁注太素者乃隨品所證之妙果也有太素清虛真人之號合符帝一前

無英公子名合符又將所執之符將合之於帝一前面符節既合受生無疑矣合符

又名玄元叔土守肝臟之戶

白帝皓鬱契

白元尊神皓鬱契主西方肺炁又名白元洞陽君鬱靈標守玄夷絕以西方七陽金炁主鎮申酉下統兌宮中守肺

回金太霞鄉

肺炁屬金故回風混合入太霞之鄉上有太白金星西方七宿經緯天文下鎮西嶽分野中通人之肺腑以注真炁

度我死戶閉

既度我以生門當過塞其死戶人身中有三十六處生門三十六處死戶慶雲開生門祥煙塞死戶祥煙真炁也

拔出三塗梁

欲拔出三塗苦海當架玄津橋梁若過三關當架鵲橋古人云上鵲橋下鵲橋天應心地應潮蓋與飛玄梁不同

十通由斯生

六度十通萬行圓成於是得長生久視之道人以十月胞胎具足萬神備體然後降

生先因此胎根堅固方至十通

妙行由此興

三千妙行因此興起圓滿具足人之神炁已布日吉時良於是興起而生金丹之道修十大洞妙行可證十大妙果

洞明光景中

在太陽道境光景不凡人之濯質太陽方

見光明境界華景與光景同古仙云溫溫鉛鼎光透簾帷此乃光景洞明

帝一真玄玄

帝一者大洞帝尊之名人修金丹亦證此

果豈非玄之又玄乎經有帝一雄一雌一號三一之經蓋帝一乃北方水數玄亦止

之色象故雌雄帝一之真至此玄之又玄矣昔劉根先生官遊四方為政有德常修

大洞帝一之道即得玄化成仙大凡天道

流行發育萬物其所以為造化者陰陽五行而已莫不先有是理而後有是炁及其

生物則必因是炁之聚而後有是形故人物之生必得是理然後有健順仁義禮智

之性必得其炁然後有以為靈鬼五臟百

骸之身周子謂無極之真二五之精妙合

而凝人以初月受炁結成胞胎以至十月神布炁足而後乃生修煉金丹之道一一如之三百功圓聖胎堅固也

右件玉童天篆計六十字上鎮太皇黃曾

天下統第一壘色潤地主皇君

玄契曰此誦文昌大洞仙經修行帝一真

道妙行方全始證十通聖功初積玄理幽

深常誦百遍自然通炁千遍不輟通神通

靈正一科有自稱曰小北真人臣事之

是知玄契中凡云北真真人者自稱也

元始天王曰文昌大洞玉童第二己卯庚辰

二月生胎金丹二通混炁生洞炁其色赤為南方三陽火炁凝

成天境號上上禪善元童壽夭劫號赤明

此天精蒐陽明之炁主明堂官帝真胎命

元洞明紫戶之炁生胎根

玉虛順玄歸

此乃二月生胎之徵先令太一精蒐名玄歸子字威昌主管生育之事玉虛即玉帝官人之頭有九官此其一也第五章帝臨

窟玉虛故知其為玉帝官又曰上方玉虛

明皇天尊仙傳有玉虛尊師赴南溪夫人

并安期生之會故玉虛者隨所證果位而

得名也今玉虛乃太精蒐所居

天晨金霄遊

天晨日也金霄黃道也又曰雲漢玉帝登

殿時太陽之炁旋轉於虛空後云玉帝乘

朱霄如人陽精七凝於空无中

朗明生帝景

天日遊行霄漢朗明以生帝一玄景龍輿

又雄一神名也蓋精為九入光彩明亮而

欲生胎官後云駕景發絕霄走也

欲爾駕王洲

欲者長生可馬名姓相成欲生乘日光車

遊玉洲即玉洲為此身胎元九天司馬不

下命章終不生也欲爾條忍也

左攝始童神
木王之炁故有東方青靈始老青童君又云太微小童名在人之左攝召青炁以主肝部三魂始童乃初生之童子

右命起常符

起常符帝卿佐名也西方有白帝君主事
在人之右則命令白炁以生肺部七鬼陰
陽二神侍立左右運輔神炁也

明真煥九霄

心玄九帝尊神君諱明真如日輪煥明於
九霄之上日月交合曰明陰陽交會於空
无之中丹經云會二炁於黃道

三日暎玄敷

玄敷即玄圖在西北崑崙之山亦曰北極
三日者南方三炁太陽帝君以真火照暎
北方之玄圖此非既濟之道乎古人有言
積分成寸積寸成尺尺寸不已遂成丈疋
人自一時覺悟勇猛進修以至一日二日
乃至三日則玄炁通暢如湯書云苟日新
日日新又日新漸洗以成吉人

千景併生於

一云千景必恨乃太微小童名千景精字
會元子又諱矜視水火既濟陰陽交感將
有生育之兆故併意於憐愛惜

內有幽窆无

上玄帝皇精寔名幽窆无即太一也此神
為變化之主胞胎之精至人得此可以為
聖胎之根本金丹以此為示物

令我得長年

能令人長生久視虛靜天師云道不遠在
身中物即皆空性不空性若不空神炁住
炁歸元海壽无窮此謂長年

千劫始一周

一千劫方為一周歲循環无窮天堂有梯
石之年其於地獄受苦者時亦不少度人
經禁戒八萬劫一傳玉皇經四萬劫一傳
生神章自非天地一開其文不出然則其
受苦者何時而出離方悟正因也見是經
宜早省悟以臻千劫長年之樂可也是經
亦无冒濫傳受之責人人有分

黃籙保劫仍

仍俗作軻度深七尺曰仍書云為山九仍
孟子掘井九仍明真黃籙可以保制劫運
人既得受生天上則黃籙書名經云黃籙

白簡削死上生天地真宰聞人生則懼慶

黃籙書名其上以為祥瑞而人甘欲棄生
以就死地哀哉仍考高也尖也極也孟劫
數之將極盡處故以黃籙保之

披錦入神丘

丘空也大也殿也在崑崙之東南四方高
中央下故曰崑丘在人曰神丘天谷也或
云玉枕言幽窆披錦衣以入帝庭也此乃
陰陽之炁上貫於腦門也下卷云太一儂
丘蘭同義錄者五色雜錯也言五臟之炁

薰染成文謂之錦衣又云繡衣皆執法真

君所衣之衣執斧鉞行刑罰也
太一務命根
此章名太一尊神章太一者先天水之精
炁也天地未形天一生水此神主之此神
為長生之主在人身中形如嬰兒不著衣
服長四寸所謂大洞返胎始形之神也名
務猶收字歸會昌常守人玉枕下人之初
生執符而混合百神專掌人之命根此下
有十稜太一字事見中卷解註

公子召合符

左曰无英公子名玄元叔字合符子太一召之以符節相合同則謂之真杰乃能生人不同謂之邪杰則當却之

十四度初心

即度人經周迴十過十回度人同初心者將信將疑之間似有似無之際故以十回數足得不退轉地傳曰人一能之已百之人百能之已千之果能此道雖索必強若能以十回試初心即此道成矣蓋欲人下

死工夫精進不退也欲轉心至道者當對高真上聖發大誓願堅固初心

得入大信根

以大洞仙經開化引導必使得入大定信實無妄之根本與物无違之謂信蓋信屬土土成數十亦河圖之數也此卷十章有十回十善十方十華十德十仙十真十通等語皆以足格言之缺一不能成生化之道蓋十為地數取喻土能長養化育之義信者誠而已故以誠信為根本

右件玉章天篆計九十字上鎮大明玉完天下統第一曼元德君

玄契曰誦之二遍得入性根善因不絕仙籍書名為燕齊和得定觀門

元始天王曰文高入洞玉章第三幸已幸觀空

洞炁生浩炁其色白為西方七陽金炁凝成天境發覺須延天劫號延康此天精

真始陽之炁主上丹田官帝真真命元長靈明仙之炁生三竟

上帝玄上攝

一云玉帝有玄上之攝制命九天之階蓋多三字大凡靈書玉章之屬每一句只說約一字或二三字如真真阿會四字說多

少文義如高上洞元一句說幾箇字義章中皆有五言為句豈得如此多加三字必

所傳之悞太微玉帝有回黃旂命靈攝以為攝召之具欲使陽真歸體

制命九天階

此旂攝制命出自九天之階天不可階而外故號令以旂攝其貴重如此天階言其

等級次第不可進次而升進也

七覺乘妙道

覺者即釋之圓覺妙心也在天為七星布燕於人名之曰心降靈於中名之曰神實監七覺神王之職也七覺者人之良能良

知之心也心有七竅故曰七覺言乘大道力以落死籍注生名七覺凡三見同乘七覺元太和度七覺蓋入覺則為善人不覺則為凶器又七覺注在他處

歡無神風回

歡者喜慶無者明亮人身中之燕太和雍熙則神明自來一曰神風一曰靈風神靈皆自己之元神回風混合也

颼爆北停華

颼俗作颼爽風暴至又云巨森扶搖謂之旋風又云日寃名停者亭樓臺之屬本亭字後人作停字留也集也

紫英唱東隈

長靈明仙之炁化生三莖如善芽增長紫英發達於東方仁德之地颼爆紫英二神

歌詠大洞寶章上聞於九天也

琳和九霄外

正一左仙名琳和蓋如琳那振響聲徹九霄之外如語天將以夫子為木鐸天人之間和氣致祥皆欲聲致洋溢也

玉符微太微

玉帝以玉符召太微小童名千景精令在左右命之執回黃旂使無英執命靈幡以召幽爽生神章云太微回黃旂

三素生泥丸

素者純也三素者純而已泥丸者頭有九宮兩眉間入一寸為明堂宮太一居之左有紫房右有朱戶却入一寸為洞房宮中有三真左無英右白元中黃靈却入三寸為泥丸宮萬神出入之所皇老三素君名罕張主此宮入四寸為流珠宮五寸為玉帝宮明堂上一寸為天庭宮洞房上一寸為極真宮丹田上一寸為玄丹宮流珠上一寸為天皇宮總謂之頭上九宮皇老三素君生神於泥丸宮亦曰三田之炁青

黃白也黃庭云泥丸百節皆有神三素亦丹名昔王先生煉三素丹詔入中微得道又周武穆公主周惠抃修三素之道過西靈聖母傳經士女景慕者數百自云世代亂我將往後百年再來遂化去

發耀金靈輝

三素發耀金華靈輝照耀上下如人慧眼一通无所不見眼為五臟之華蓋以教日月之明黃庭眼神明耀英玄君

罕張罕張上

罕張三素君之諱此生泥丸之神也人之生也自上天降炁然後受父母精血始形之初自泥丸發仍次第生長為完形守衛死節機

誦之三遍三真自生蓋三素君當守閉死

炁關節機轉務令受生下卷云守閉死炁關同蓋罕張字神生道神職也

十善生玄中

人性之善皆可以為堯舜人无不善而人自流凶惡之地以致其殃禍善惡報應

之說儒者或以為虛誕又曰王維畫鬼神以恐人不知書中有云作善降之百祥作不善降之百殃虞書曰惠迪吉從違凶惟影響又曰滿招損謙受益時乃天道易曰積善之家必餘慶積不善之家必餘殃此聖人之所以訓人者如此其詳善惡報應之理如此其昭昭聖人何嘗不云而但以汝未暇讀書講明之爾人有十善即生玄炁之中顏子得一善則拳拳服膺禹聞善言則拜蓋人能止於至善之地謂

如為人君止於仁為人臣止於敬為人子止於孝為人父止於慈與國人交止於信則舉止進退莫匪至善

度厄而自然

過度厄會即得自然無為也叙經云飛度三災四殺以至自然無為不係陰陽五行六炁之所拘束至此諄諄章義

右件玉章天象計七十字上鎮清明河童

天下統第一壘元德君

玄契曰誦之三遍得自在智度一切厄入

玄上關萬炁齊清入希夷門

玉清无極總真文昌大洞仙經卷之三

玉清无極總真文昌大洞仙經卷之四 各

東蜀蓬萊山中陽子衛琳註

元始天王曰文昌大洞仙經卷之四 癸未甲申資判

元炁生炁炁其色玄為北方五陽水炁凝

成天境號寂然究術天劫號關皇此天精

萬太陽之炁主洞房官帝真堯命元陽尸

冥演由之炁生七鬼

太真統九炁

太真太玄一也即玄元始二炁生九炁一

云太玄九炁上下卷九章云太真九光輪

光即炁也統九炁以生萬神也

洞景寄神通 洞陽之館為真仙煉堯之所

絳宮光景為神明寄跡之舍通者出入無

常孔子操則存舍則亡出入無時莫知其鄉

玉帝乘朱霄

玉帝君乘朱霄之輿以統御萬靈朱霄一

名丹霄一名絳霄此名上田泥丸有玉帝

宮總制人身之萬神萬炁之主

綠霞煥金甍

甍者築土壘壁以為小城又曰堂中北墻

也言玉帝入城威儀青綠霞被煥爛金甍

中卷五章云披朱中綠霞同義

上館雲珠內

自兩腎上來脊透雙關入泥丸之時惟一

光明之珠雲珠者五雲之珠五雲者五臟

所化之炁也雲珠則玄珠宮也

仰接无刃峯

玉京山之頂上玄虛无有尖刃此言人頭

直上亦接玄虛无刃空洞寥廓之景西北

崑崙山有金城玉樓人頭是也

靈關太溪下

靈關三關即上中下三田冥漠无朕虛曠

幽玄之下蓋上无復色下无復濁之謂也

雙腎間皆謂北陰鄭都幽陰境

霜沫竟冲空

真炁薰蒸上冲空洞之中言人至大至剛

之炁充塞天地之外无窮无極之所霜沫

者皆祥煙慶雲之屬冲者和也

冥化混離坎

人所不見則曰幽冥故坎水離火二炁交